

Vale Croes y Pachi Damon porfin lo topa cu otro den Cas di Cultura..

Na Corsow nan a cosecha un exito rotundo!....



****** Porfin e dos comediantenan mas popular di Aruba y Antias, kendenan ta nada mas y menos VALE

CROES di Aruba y PACHI DAMON di Corsow lo topa cu otro aki na Aruba. E "Two Man Show" aki lo bay tuma lugar den Cas di Cultura dialuna dia 30 di november, diamars 1 y diaranson 2 di december proximo.

E "Two Man Show" aki ya tabata a ser presenta na Curaçao, na unda el a resulta den un exito sin presedente. Aki na Aruba sin duda cu e combinacion unico di e dos genio comediantenan aki lo bay resulta den un exito rotundo.

Comentarionan cu DEN AMBIENTE a ricibi for di esnan cu a presencia e show aki, a indica cu e show aki ta algo nunca visto y uno vale la pena pa tur esnan cu ta stima e hobby di hari. For di momento cu Vale y Pachi subi riba escenario ta harimento sin fin y na momento cu nan topa cu otro, e sala ta transforma den un horcan di harimento.

Pa otro siman DEN AMBIENTE lo publica un entrevista cu Vale Croes tocante su experiencia di e "Two Man Show" aki hunto cu Pachi Damon na Corsow y kico e pueblo di Aruba por bay spera di nan dos den Cas di Cultura..

**Tur diasabra entre 3'or pa 6'or
di atardi "SHOW DI POETS"
na Top FM 95.1.....**

ATA MAS.. PA BO SA MAS...

Fotos/texto: Jan Poets

DEN AMBIENTE



**** Djis un tiki di loke e publico lo bay spera di e "Two Man Show" di Vale Croes y Pachi Damon...**

**** Shonnan ricibi un cordial saludo farandulero y sperando cu bosnan lo sa di goza durante e fin di siman aki manera bosnan so por.**

**** E ambiente di futbol ta birando mas interesante y dushi den Stadion. Siman pasa**

Estrella a derota R.C.A. pa asina segura nan clasificasion pa e buelta final, mientras cu diahuebs ultimo cu e empate di 1-1, nan a STROBA Dakota pa clasifica.

**** Tur cos ta depende awenochi entre e wega suma-**



**** Roosje van Hoop a busca un sombre masha grandi pa tapa Nelson "Speed" Andrade ora cu e ta RONCAAA..**



**** ESTRELLA ta practicamente SUB-CAMPEON...awor nan ta na caminda pa bay conquista e titulo di CAMPEON..**

mente importante entre R.C.A. vs Nacional. Esun cu gana ta bay topa cu Estrella, mientras un milager por pone Dakota den final, si R.C.A. y Nacional empata cu otro riba 4 goal, bo ta kere cu esaki ta posibel???

**** Diaranson ultimo nos tabata na hermana isla Curacao hunto cu colega Nelson "Speed" Andrade pa presencia e comedia nobo di Pachi Damon. Nos amigo Speed a goza un mundo durante e comedia aki. Anochi si el a paraliza Hotel Porto Paseo cu su roncamento manera ta un barco di guerra ta drelando den e waf di Corsow. E bondadoso Roosje van Hoop di Hotel Porto Paseo mester a dirigi un carta di despensa na tur e turistanan cu no por a drumi e anochi ey debi na e roncamento di "Nelson "Ronca Speed" Andrade..**

**** E cancion "Bow Pali Tamarijn di Qua-Si a cuminsa zona na Corsow y ta na caminda pa bay bira un exito. Por a compronde cu diasabra 21 di november proximo lo bay tin e acto di bautismo di e CD "Ate Ata Qua-Si, na unda lo ta presente e autor di e cancion aki, kende ta nada mas y menos e gran cantautor Rudy Plaat, kende ketu bay ta gozando di un gran popularidad aki na Aruba.**

**** Sharon Rose cu su tremendo cancion "Belleza di un Cuna" a conquista e puesto di honor na Top Fm 95.1 su TOP 20 cual ta ser produci pa Oscar Fernandes riba tur diadomingo atardi entre 3'or pa 5'or pm. Pa medio di e columna aki, Sharon Rose kier a gradici tur**



**** RECORDAR ES VIVIR...e foto aki sigur lo sirbi como un gran consuelo pa e fanaticonan di DAKOTA..**

e radio oyentenan di Top Fm 95.1 y specialmente na e culto pueblo di Sta. Cruz pa e tremendo apoyo di por a logra e puesto di honor na Top Fm su Top 20. Cu e forza di apoyo aki, ta un estimulo grandi pa Sharon Rose por sigui produci y alegra su dushi pueblo stima Aruba..

**** E "Two Man Show" di Vale Croes y Pachi Damon, ta priminti di bay bira un exito grandi. Esaki tambe lo bay ta e ultimo comedia pa aña 1998 y asina tambe e pueblo lo haya un chens pa**

saca nan ultimo stress di aña 1998.

**** Shonnan nos ta keda te aki, pasobra manera bo mes a nota cu awe e pagina aki ta tur na COLOR y mester laga e potretnan briya y papia pa nan mes. Si ta futbol bo ta bay, corda respeta e referee y bo lenga, si ta fiesta bo ta bay, respeta e shon ora e ta papia y baila cu e otro, si bo ta stuur...no bebe mes, si ta radio bo ta scucha. lage radio na Top Fm awe tardi entre 3'or pa 6'or y si ta Misa bo ta bay..corda resa pa DEN AMBIENTE..**



**** Cu e potret aki, DEN AMBIENTE ta pronostica cu awenochi Nacional lo bay vence R.C.A. y cu e final lo bay ta entre NACIONAL V.S. ESTRELLA..**